

U skladu sa odredbama člana 70., člana 84. i člana 85. Zakona o sportu (Službeni glasnik RS, br 4/02.), člana 10. i člana 12. Zakona o udruženjima i fondacijama Republike Srpske („Službeni glasnik RS“ br. 52/01 42/05), Osnivačka Skupština Biciklističkog kluba „KOZARA PROCYCLING“ Prijedor dana 18.11.2016. godine usvojila je

# STATUT

Udruženja - Biciklistički klub „KOZARA PROCYCLING“ Prijedor

## OPŠTE ODREDBE

### Član 1.

Statutom se utvrđuju svrha i osnovni programski ciljevi udruženja Biciklistički klub „KOZARA PROCYCLING“ Prijedor, a naročito:

- naziv i sedište udruženja,
- ciljevi i djelatnost udruženja;
- postupak prijema i isključenja članova;
- prava i obaveze članova udruženja;
- organi udruženja, način njihovog izbora i opoziva, ovlašćenja, pravila glasanja, trajanje njihovog mandata, postupak za sazivanje skupštine;
- način podnošenja finansijskog izveštaja i izveštaja o radu;
- pravila koja se primenjuju za sticanje i raspolaganje sredstvima udruženja;
- organ ovlašćen za nadzor nad korišćenjem ovih sredstava;
- postupak za izmenu i dopunu statuta;
- ovlašćenje i način donošenja drugih opštih akata;
- oblik i sadržaj pečata udruženja;
- zastupanje;
- uslovi i postupak za spajanje, razdvajanje, transformaciju ili prestanak udruženja;
- postupak raspodele preostale imovine u slučaju prestanka rada udruženja.

Statut može sadržavati i druge odredbe koje nisu u suprotnosti sa ovim zakonom.

### Član 2.

Udruženje - Biciklistički klub „KOZARA PROCYCLING“ Prijedor, (u daljem tekstu BK) je nevladina, neprofitna, nestranačka, sportska građanska organizacija koja svoju djelatnost obavlja na načelima nepristrasnosti, nezavisnosti, humanosti i dobrovoljnosti, koja će se u svom radu zalagati za razvoj sporta, tolerancije i poštivanje ljudskih prava i građanskih sloboda. Udruženje - Biciklistički klub „KOZARA PROCYCLING“ Prijedor je društvena organizacija u koju se slobodno i dobrovoljno udružuju građani i pravna lica, radi zadovoljavanja zajedničkih interesa u svrhu promocije biciklizma kao sporta, rekreacije i održivog alternativnog vida prijevoza, te unaprijeđenja zdravlja i duha stanovnika Grada Prijedora, Republike Srpske i šire, kroz edukativne, promotivne, takmičarske i netakmičarske manifestacije i projekte.

Rad Udruženja - Biciklistički klub „KOZARA PROCYCLING“ Prijedor " je javan. Javnost rada u Udruženju se ostvaruje putem stalnog informisanja članova Udruženja i javnosti o radu Udruženja.

Naziv i sjedište Udruženja

### Član 3.

Puni naziv Udruženja glasi: Biciklistički klub „KOZARA PROCYCLING“ Prijedor ".  
Skraćeni naziv udruženja glasi: BK “KOZARA PROCYCLING” Prijedor.

### Član 4.

Sjedište Udruženja je u Prijedoru.  
Adresa Udruženja je: Save Kovačevića br. 8  
Područje djelovanja Udruženja je Republika Srpska i BiH.  
Udruženje je neprofitna i izvanstranačka organizacija i ima status pravnog lica kojeg stiče upisom u registar udruženja.

Ciljevi i djelatnost udruženja

### Član 5.

Ciljevi za koje se zalaže Udruženje su :

- Razvijanje i omasovljenje biciklizma kao sporta, rekreacije te održivog alternativnog vida prijevoza;
- Unapređenje obrazovno-kulturnih, odgojnih, edukativnih i sportskih aktivnosti, u skladu sa opštedruštvenim razvojem i politikom razvoja obrazovanja, kulture i sporta u društvima RS i BiH;
- Popularizovanje zdravog načina života među građanstvom, posebno djecom i omladinom, kao i značaja sporta i rekreacije u očuvanju zdravog tijela i duha, i edukacija na tom planu;
- Putem organizovanja raznih sportskih, edukativnih i kulturno-zabavnih aktivnosti voditi borbu protiv droge, alkoholizma, kocke i drugih oblika zdravstvenog, moralnog, odnosno psiho-fizičkog ugrožavanja građana, posebice djece i omladine;
- Organizovanje seminara i tečajeva iz oblasti djelovanja Udruženja;
- Organizovanje sportskih manifestacija, takmičarskih i netakmičarskih utrka u svrhu promocije ciljeva Udruženja;
- Osmišljavanje i implementacija projekata u svrhu urbaniziranja gradske sredine i povezivanja sa modernim europskim i svjetskim tokovima te promocija biciklističkih ruta u svrhu razvoja turizma,
- Saradnja i povezivanje sa ostalim udruženjima;

Utvrđene ciljeve Udruženje će ostvariti kroz sledeće oblike djelovanja:

- Obezbijedjenje neophodnih uslova za bavljenje biciklizmom na području opštine Prijedor i šire, kroz saradnju s vlastima i kroz implementaciju vlastitih projekata;

- Saradnja sa drugim društvenim organizacijama, udruženjima, javnim institucijama, privrednim sektorom i privatnim licima;
- Organizovanje biciklističkih utrka, skupova, seminara, predavanja, radnih stolova, izleta, sportsko-edukativnih programa i drugih vidova edukacije građana, posebno djece i omladine.

Navedeni oblici djelovanja Udruženja moraju biti u skladu sa ciljevima Udruženja, ovim Statutom i drugim opštim aktima Udruženja - Biciklistički klub „KOZARA PROCYCLING“ Prijedor.

#### Član 6.

Udruženje - Biciklistički klub „KOZARA PROCYCLING“ Prijedor, može obavljati djelatnost kojom se stiče dobit (privrednu djelatnost) jedino ako sticanje dobiti nije osnovni statutarni cilj udruženja.

Višak prihoda nad rashodima ostvaren obavljanjem privredne delatnosti mora se investirati u osnovne statutarne aktivnosti udruženja. Nije dozvoljena direktna niti indirektna raspodela viška prihoda nad rashodima iz privredne djelatnosti osnivačima, članovima udruženja, članovima upravljačkih organa, odgovornim licima, radnicima, donatorima ili trećim licima.

### ZASTUPANJE I PREDSTAVLJANJE UDRUŽENJA

#### Član 7.

Udruženje - Biciklistički klub „KOZARA PROCYCLING“ Prijedor, zastupa i predstavlja Predsjednik Udruženja, a ovlaštenje za zastupanje i predstavljanje može, po potrebi, prenijeti na drugog člana Udruženja, shodno odluci Upravnog odbora.

#### Organi Udruženja

#### Član 8.

- Skupština
- Upravni odbor
- Predsjednik Udruženja

#### Skupština

#### Član 9.

Organ upravljanja Udruženjem je Skupština, koju sačinjava 34 člana BK „KOZARA PROCYCLING“.

U upravljanju Biciklističkim klubom „KOZARA PROCYCLING“ Prijedor Skupština donosi:

- Statut, izmjene i dopune Statuta i druge akte određene Statutom
- odluku kojom daje saglasnost na pravne radnje preduzete u postupku osnivanja BK „KOZARA PROCYCLING“;
- odluku o izboru Predsjednika Skupštine;
- odluku o izboru članova Upravnog odbora;
- odluku o udruživanju u saveze, pripajanju, razdvajanju, transformaciji, prestanku rada BK „PROCYCLING“ i drugim statusnim promjenama BK „KOZARA PROCYCLING“ Prijedor;
- odluku o osnivanju ili učestvovanju u osnivanju preduzeća, fondova, agencija i sl.;

- odluku o raspolaganju preostalim sredstvima BK „KOZARA PROCYCLING“, , nakon odluke o prestanku rada BK „KOZARA PROCYCLING“, ili drugih statusnih promjena BK „KOZARA PROCYCLING“, i
- odluke o svim drugim pitanjima koja nisu u nadležnosti drugih organa.
- za potrebe funkcionisanja Skupštine BK „KOZARA PROCYCLING“, izradit će se Poslovniko o radu Skupštine kojim se bliže se uređuje vrijeme, mjesto i način sazivanja sjednica, te priprema i donošenje svih akata iz nadležnosti Skupštine, sve u cilju uspješnog rada Skupštine.

#### **Član 10.**

Predsjednika i zamjenika Predsjednika Skupštine Udruženja biraju članovi Skupštine.

Predsjednik Skupštine, u njegovoj odsutnosti zamjenik Predsjednika Skupštine, predsjedava Skupštinom i potpisuje odluke donesene na Skupštini. Mandat Predsjednika i zamjenika Predsjednika Skupštine je 2 (dvije) godine, s pravom reizbora. Skupština može opozvati Predsjednika i zamjenika Predsjednika Skupštine.

#### **Član 11.**

Redovne sjednice Skupštine se održavaju najmanje jedanput godišnje.

Vanredna sjednica Skupštine se saziva u slučaju vanrednih potreba i na prijedlog Predsjednika BK „KOZARA PROCYCLING“, ili na inicijativu najmanje dvije trećine članova BK „KOZARA PROCYCLING“. Sjednice Skupštine saziva predsjednik Skupštine, pismenim putem i njima predsjedava.

Predsjednik Skupštine se stara o provođenju odluka koje donosi Skupština.

#### **Član 12.**

Skupština se održava i punovažno odlučuje ako je sjednici prisutna natpolovična većina članova.

Skupština odlučuje o svim pitanjima prostom većinom glasova prisutnih članova, ako Statutom ili drugim aktom Udruženja nije drugačije predviđeno.

#### **Član 13.**

Skupština iz svog sastava bira predsjednika Skupštine, na period od dvije (2) godine i isto lice može biti ponovo birano.

Upravni odbor

#### **Član 14.**

Upravni odbor je savjetodavno-izvršni organ Udruženja, sastavljen od pet (5) članova koje bira Skupština Udruženja BK „KOZARA PROCYCLING“. Članovi Upravnog odbora biraju se na mandat od dvije (2) godine i ista lica ponaosob mogu biti ponovo birana. Iz članstva u Upravnom odboru bira se predsjednik Upravnog udruženja.

Upravni odbor donosi Pravilnik o radu Upravnog odbora.

#### Član 15.

Mandat člana Upravnog odbora prestaje prije isteka ako:

1. podnese ostavku,

2. ga opozove Skupština zbog nepridržavanja Statuta, drugih opštih akata kluba, lošeg rada ili neredovnog prisustva sjednicama UO.

#### Član 16.

Upravni Odbor vrši sledeće poslove i zadatke

- aktivno učestvuje u organizacijskoj strukturi Udruženja
- prisustvuje redovnim i vandrednim sastancima
- utvrđuje prijedlog Statuta, opštih akata, programa rada, programa rada i finansijkog plana Udruženja
- donosi opšta akta čije donošenje nije u nadležnosti Skupštine Udruženja;
- u saradnji sa Predsjednikom BK „KOZARA PROCYCLING“, imenuje sportskog trenera;
- usvaja završni račun Udruženja;
- odlučuje o sticanja prava na članstvo i prestanku članstva u Udruženju
- u saradnji sa Predsjednikom BK „KOZARA PROCYCLING“, utvrđuje program sportske saradnje;
- u saradnji sa Predsjednikom BK „KOZARA PROCYCLING“, donosi odluku o dodjeli nagrada i priznanja Udruženja;
- daje saglasnost za potpisivanje pojedinačnih i kolektivnih ugovora u interesu Udruženja,
- odlučuje u saradnji sa predeejdnikom BK „KOZARA PROCYCLING“, koja se dokumenta i podatci smatraju poslovnom tajnom,
- bira predstavnike Udruženja u organizacijama i savezima gdje je Udruženje član;
- imenuje komisije: disciplinsku, takmičarsku, rekreativnu;
- u saradnji sa Predsjednikom BK „KOZARA PROCYCLING“, donosi pravilnik o radu komisija,
- u saradnji sa predsjednikom BK „KOZARA PROCYCLING“, odlučuje o načinu i angažmanu sportskih stručnjaka;
- u saradnji sa predsjednikom BK „KOZARA PROCYCLING“, uređuje unutrašnju organizaciju Udruženja;
- usvaja plan rada komisija i drugih tijela Udruženja;
- u saradnji sa Predsejdnikom BK „KOZARA PROCYCLING“, odlučuje sa kojim sportistima, trenerima ili sportskim ustanovama će zaključiti ugovore o korištenju njihovih usluga, kao i visinu naknade za isto;
- u saradnji sa Predsjednikom BK „KOZARA PROCYCLING“, odlučuje o udruživanju Udruženja sa drugim udruženjima i Savezima;
- u saradnjii sa Predsjednikom BK „KOZARA PROCYCLING“, definiše odnose sa sponzorima;
- u saradnji sa Predsjednikom BK „KOZARA PROCYCLING“, odlučuje u o formiranju škole sporta iz oblasti biciklizma, kao i o formiranju posebnih sekcija;
- u saradnji sa Predsjednikom BK „KOZARA PROCYCLING“, odlučuje o visini naknade za određena dešavanja, gdje se za to ukaže potreba;

- u saradnji sa Predsjednikom BK „KOZARA PROCYCLING“, organizuje sportske manifestacije i pripreme u cilju promocije Udruženja, kao i o učešću Udruženja na manifestacijama koje organizuju druge organizacije,
- u saradnji sa Predsjednikom BK „KOZARA PROCYCLING“ određuje izgled članske karte i visinu članarine;
- u saradnji sa Predsjednikom BK „KOZARA PROCYCLING“ određuje stručne štabove i imenuje šefove stručnih štabova
- u saradnji sa Predsjednikom BK „KOZARA PROCYCLING“ usklađuje rad Udruženja sa zakonskim aktima i normativima sličnih sportskih organizacija,
- u saradnji sa Predsjednikom BK „KOZARA PROCYCLING“ odlučuje o načinu zdravstvene i osiguravajuće zaštite sportista-takmičara;
- usvaja finansijski plan;
- vrši druge poslove iz djelatnosti Udruženja koji su mu u nadležnosti ili one koji nisu u nadležnosti Skupštine Udruženja;

Za vršenje određenih poslova Upravni odbor može formirati posebne komisije i radna tijela, ako za to postoji potreba. Ovlaštenja, djelovanje i obaveze ovih komisija će se utvrđivati donošenjem odluke o formiranju.

Predsjednik

#### **Član 17.**

Predsjednika Udruženja BK „KOZARA PROCYCLING“, bira i razrješava Upravni odbor, na period od dvije (2) godine, sa mogućnošću ponovnog izbora.

#### **Član 18.**

Predsjednik BK „KOZARA PROCYCLING“ obavlja sljedeće poslove:

- predstavlja i zastupa Udruženje;
- priprema sjednice Skupštine;
- priprema nacrt izmjena Statuta i drugih akata koje donosi Skupština;
- provodi politiku, zaključke i druge odluke koje donosi Skupština i Upravni odbor;
- raspolaže imovinom Udruženja;
- podnosi izvještaj o svom radu Upravnom odboru i Skupštini na usvajanje;
- rukovodi radom BK Kozara Pro-cycling;
- definiše ugovore i ugovorne odnose sa sportistima-takmičarima, kao i iznos obeštećenja u slučaju prelaska u drugo Udruženje/Biciklistički klub
- obavlja i druge poslove utvrđene Statutom ili koje mu povjeri Upravni odbor i Skupština BK „KOZARA PROCYCLING“.

#### **Član 19.**

Predsjedniku Udruženja može prestati mandat i prije isteka vremena na koje je izabran i to:

- na vlastiti zahtjev;
- smrću;
- i u drugim slučajevima predviđenim zakonom, Statutom i drugim aktima Udruženja.

O prestanku mandata predsjednika Udruženja odlučuje Upravni odbor i Skupština Udruženja većinom glasova.

## **Član 20.**

Predsjednika Udruženja bira i razrješava Upravni odbor, na period od dvije(2) godine, sa mogućnošću ponovnog izbora.

Sekretar

## **Član 21.**

Sekretara BK „KOZARA PROCYCLING“, u saradnji sa Upravnim odborom bira i postavlja predsjednik Udruženja.

Sekretar BK „KOZARA PROCYCLING“, obavlja sljedeće poslove i radne zadatke:

- priprema materijale koji se razmatraju na sjednicama Skupštine i Upravnog odbora;
- vodi zapisnike na sjednicama Skupštine i Upravnog odbora;
- izrađuje zapisnike, odluke, zaključke i druga akta koje donose organi Udruženja;
- prati sprovođenje odluka i o tome informiše predsjednika i Upravni odbor Udruženja;

-vodi evidenciju o članovima Udruženja,

-prikuplja članarinu Udruženja;

- ustrojava finansijsku dokumentaciju Udruženja prema budžetima projekata u realizaciji, svaka tri mjeseca obavještava predsjednika Udruženja o materijalno-finansijskoj situaciji Udruženja i piše finansijske izvještaje za donatore.

- radi na izradi projektnih aplikacija zajedno sa drugim članovima BK „KOZARA PROCYCLING“.

Za svoj rad sekretar je odgovoran predsjedniku BK „KOZARA PROCYCLING“.

Članstvo

## **Član 22.**

Članovi Udruženja su građani-osnivači i druga lica koja se dobrovoljno uključe u rad Udruženja, a u skladu sa odredbama Statuta.

U Udruženje se mogu uključiti sva lica, bez diskriminacije, koja prihvataju Statut, programske ciljeve i način rada Udruženja.

Član Udruženja može biti državljanin BiH, kao i strano lice koje ima stalni ili privremeni boravak u BiH.

Prijem novih članova vrši Predsjednik i Upravni odbor Udruženja.

## **Član 23.**

Udruženje može imati počasne članove Udruženja, o čemu odluku donosi Skupština Udruženja, na zajednički prijedlog predsjednika i Upravnog odbora Udruženja. Novi članovi se učlanjuju na dobrovoljnoj osnovi, kada prihvate Statut i druga opšta akta Udruženja i potpišu pristupnicu. Maloljetna lica mogu sudjelovati kao članovi u radu Udruženja na način propisan Statutom, ali ne mogu učestvovati u odlučivanju u organima Udruženja.

## **Član 24.**

Prava i dužnosti članova Udruženja su da:

- rade i zalažu se za ostvarivanje programskih zadataka Udruženja;
- aktivno učestvuju u radu Skupštine Udruženja i svim djelatnostima;
- izmiruju svoje članske obaveze i plaćaju članarinu na godišnjem nivou, prema Odluci Upravnog odbora;
- pridržavaju se Statuta i drugih opštih akata Udruženja;
- izvještavaju Udruženje o svom radu;
- redovno se informišu o radu Udruženja.

## **Član 25.**

Članovi Udruženja koji se ne pridržavaju obaveza iz prethodnog člana, te svojim ponašanjem ruše ugled Udruženja, podliježu odgovornosti.

## **Član 26.**

Članstvo u Udruženju prestaje istupanjem člana iz Udruženja i isključenjem.

Istupanjem se smatra i potpuna neaktivnost člana Udruženja kroz period od godinu dana o čemu odluku donosi Upravni odbor.

Prijedlog o isključenju donosi predsjednik Udruženja, uz saglasnost Upravnog odbora, kojom može isključiti člana koji ne postupa u skladu sa odredbama ovog Statuta.

Protiv odluke predsjednika Udruženja o isključenju, isključeni član ima pravo žalbe Skupštini Udruženja u roku od 15 dana od dana prijema odluke.

Odluka Skupštine je konačna.

## **Pečat i amblem udruženja**

## **Član 27.**

Pečat Udruženja je oblika kruga, prečnika 30 mm sa kružnim natpisom Biciklistički kuba „KOZARA PROCYCLING“ Prijedor, i sa simbolom Udruženja u sredini pečata (oblik štita sa biciklom u sredini, natpisom BK „KOZARA PROCYCLING“ u vrhu, i nasuprot postavljenim kosim linijama u dnu).

## **Imovina udruženja, korištenje i raspolaganje**

## **Član 28.**

Udruženje može sticati prihode iz sljedećih izvora:

- odobrenih projekata;
- dobrovoljnih priloga i članarina, poklona fizičkih i pravnih lica, kako stranih tako i domaćih, u gotovini, uslugama ili imovini bilo koje vrste;
- sredstava iz javnih prihoda;
- fondova;
- prihoda od kamata, dividendi, dobiti od kapitala, zakupnina, honorara i sličnih izvora pasivnih prihoda;
- drugi prihodi stečeni u skladu sa zakonom i Statutom.



O sticanju prihoda, korištenju imovine i raspolaganju sredstvima odlučuje predsjednik Udruženja u skladu sa ovim Statutom i opštim aktima Udruženja.

Nadzor nad namjenskim korištenjem i raspolaganjem sredstvima Udruženja vrši Upravni odbor i predsjednik Udruženja.

#### **Član 29.**

Udruženje BK "KOZARA PROCYCLING" posluje po principu neprofitabilne organizacije, a eventualnu dobit ostvarenu u vršenju svojih djelatnosti usmjerava isključivo za proširenje svoje djelatnosti, a radi ostvarivanja programskih ciljeva.

#### **Član 30.**

Udruženje je dužno voditi poslovne knjige u skladu sa važećim računovodstvenim standardima i sastavljati finansijske izvještaje u skladu sa zakonom i drugim propisima. Poslove vođenja poslovnih knjiga i izrade finansijskih izvještaja obavlja knjigovođa Udruženja. Nadzor nad finasijama osim predsejdnika Udruženja, vodi Upravni odbor.

Način izvještavanja

#### **Član 31.**

Finansijski izvještaj sačinjava knjigovođa Udruženja i podnosi ga predsjedniku Udruženja. Izvještaj o radu sačinjava predsjednik Udruženja i zajedno sa finansijskim izvještajem podnosi ga na razmatranje i usvajanje Upravnom odboru i Skupštini Udruženja, najmanje jednom godišnje.

#### **Član 32.**

Finansijski izvještaj i izvještaj o radu Udruženja usvaja Skupština Udruženja najmanje jednom godišnje, po prijedlogu predsjednika Udruženja.

Javnost rada

#### **Član 33.**

Rad Udruženja je javan i dostupan je javnosti i svim medijima, koji mogu prisustvovati sjednicama i pratiti rad Udruženja, kao i svim članovi Udruženja. Izuzetno, Upravni odbor može donijeti Odluku o zabrani pristupa određenom dijelu informacija ili sjednice, ukoliko to predstavlja službenu tajnu Udruženja.

Postupak za donošenje, izmjene i dopune Statuta

#### **Član 34.**

Inicijativu za izmjene i dopune Statuta može dati svaki član Udruženja. Inicijativa se podnosi predsjedniku Udruženja, pismenim putem i sa odgovarajućim obrazloženjem.

Izmjene i dopune Statuta vrše se na način i po postupku utvrđenom Zakonom..

## Pripajanje, razdvajanje, transformacija i prestanak rada udruženja

### Član 35.

Udruženje može prestati sa radom dobrovoljno ili po sili zakona.

Udruženje prestaje sa radom dobrovoljno, ili ako Skupština dvotrećinskom većinom svih članova Udruženja donese odluku o prestanku rada Udruženja.

Odlukom o prestanku rada Udruženja reguliše se i način raspolaganja preostalom imovinom i sredstvima Udruženja shodno odredbama Zakona.

### Prelazne i završne odredbe

### Član 36.

Statut donosi Skupština, a Statut se smatra usvojenim ako se za njega izjasni 2/3 većina prisutnih članova.

Izmjene i dopune ovog Statuta vrše se na način propisan za njegovo donošenje.

### Član 37.

Ovaj Statut stupa na snagu osam (8) dana od dana registracije.

Prijedor, 18. Novembar 2016.god.

*Predsjednik Skupštine  
Marko Vasić*

